

Վերապատուելի հօր մերում Չարարիայ վարդապետին
ողջոյն բազում յոյժ

... մուտ արարաք ի հայոց ժամն յաւուր վերափոխման սուրբ աստուածածնին: Եւ
առաքեցի նոցա քարոզիչ մասնաւոր ի մերոց. և ժողովեալ գրեթէ ամենայն հայոց
յեկեղեցին՝ տուաւ նոցա քարոզ յազազս միաբանութեան՝ յաւուրս երկուս ընդ ժամս
ձիգս. այնչափ, մինչև ժողովուրդն լուծաւ, մեղկացաւ, միաբանեցաւ. դարձեալ կարկա-
տեցաւ բազմապատակ հերձուռնի նոցա. և անպատմելի ցնծութեամբ խայտային. մինչև
չժուժեալ յանձինս՝ գրեթէ ամենայն հայք մեծամեծք և փոքունք միաբանեալ եկին ի
վանս մեր՝ և աբարին միմեանց զհասարակաց խրախճան՝ ի գրքատան մերում, առ չտա-
նելոյ սենեկաց զբազմութիւնն. կոչեալ էին ընդ ինքեանս և զերկոսին զեպիսկոպոսունս
մեր զմինաս և զսարգիս, որք և նոքա պառակտեալք էին ի միմեանց և ռխացեալք, և
զտան ըստ տնօրինելոյ տեառն հասարակաց քարոզութեանն ներկայք, և տերամբ շահե-
ցան յոյժ. զի և նոքա հաշտեցան: Եւ դարձեալ առաքեցի զքարոզիչ մասնաւոր ի ծնըն-
դեան սուրբ աստուածածնին, որ արար նոցա ներբողեան մեծ՝ զսուրբ աստուածածնէն՝
ներկայութեամբ սարգիս վարդապետին և բաղձանօք մինաս վարդապետին, զի փափա-
զէր ներկայ գտանիլ և ինքն. բայց՝ ի նախընթաց զիշերին ախտացան հրեւք նորա, զի
եկն պատահական ուրոյց ինչ և արգելաւ. և ժողովուրդն խոնեցաւ զեկեղեցեալ. և տեառն
գործակցութեամբ մեծապէս շահեալ խայտային, և փոխեաց զնոսա տէր գրեթէ յայլ
մարդ. և ստեն. այժմ իմացաք, թէ ունինք մեք հայքս ի վէնէտիկ զվանք...

Յամի Տեառն 1751
Սեպտեմբերի 11
[Վենետիկ]

Նուաստ ծառայ
Ստեփաննոս Վրդ. Աբբահայր

ՃՅԵ.

Կը կարդանք հետեալ թուղթին մէջ կարևոր ձեռնարկ մը Եղիսաբեթուպոլիս
քաղաքի հայերուն կողմանէ:

Յարգոյապատիւ և գերապայծառ տեառն Ստեփաննոսի վարդապետի
և Արքանօր խնդալ

... Յոյժ ուրախացան և շնորհակալ են մերայինք վասն ընդունելութեանն, զոր
արարեալ էք հաճի Աբտուլլահին...: Վասն արգուհալին պատասխանուոյ ոչ գոյ ինչ տա-
կալին բան նոր ի մեծամեծաց...: Խնդրեմ յորժամ գայցէ այտի առ մեզ հաճի Աբտուլ-
լահն, առաքեսջիք ընդ նմա զբանի մի պատկեր աշխարհացոյցին եզերեցելոյ, և զվանքին
պատկերն եթէ եզերեալ է...: Վասն մինաս վարդապետին մեր փլեպանուշին յայտ լիցի,
զի նա վասն աղաչանաց քաղաքին եղիսաբեթուպոլսեցոց կայ աստ յաղերս մաղթանաց,
և հայցէ ի թագաւորութենէս տալ ինքեանց երկիր արծաթոյ առ քաղաքան իւրեանց,
այսինքն անդաստանս և գեօղս, որպէս ունին արմենուպոլսեցիք. և յօժար է վարդապետն
տալ ի գին իբրև յիսուն հազար զօլաթայ ի քաղաքին կողմանէ, բայց դժու[ար]ին է
հաճել զմիտս մեծամեծաց քաղաքիս: Քանզի այնմ հակառակք կան սակքսք, որք կամին
ինքեանք առնուլ զմեծ և զլաւ մասն: Վասն այսորիկ վարդապետն հանապազ երթայ ի
դրունս մեծամեծաց, և յայն սակս եզ զփայտ ի տան իւրում վասն ձմերան և մնայ
յայս ձմեռն աստ, թէպետ և երբեմն յուսահատեալ կամէր դառնալ յետս...:

յամի տեառն 1751 նոյեմ. 27
ի Վիննայ

Անպիտան ծառայ
Հայր Իգնատիոս վարդապետ Խաչատուրեան
ի կարգէ սրբոյն Անտոնի Աբբայի